

*Manuel Marrero: radio kaj
televido solidi?as kiel publika
sistemo de amasmedioj*



Havano, feb 18 (RHK) La kuba ĉefministro Manuel Marrero Cruz, partoprenis laborkunsidon de la kuba instituto de radio kaj televido, ICRT, kiu spite malfacilaĵojn pro la Kovim-19, sukcesis daŭre elsendi kaj porti la kuban mesaĝon kaj atestojn al ĉiuj anguloj de la insulo. Ĉi sukcesis plenumi sian rolon informi, klerigi kaj amuzigi la kuban publikon.

La kunsidon prezidis Víctor Gaute, membro de la sekretarioj de la centra komitato de la komunista partio, kaj Alfonso Noya, prezidanto de la instituto.

La raporto prezentita sciigas ke fronte al la pandemio, la organismo skizis laborstrategion por plenumi siajn ĉefajn celojn, tio estas, ne haltigi la elsendojn radiajn kaj televidajn, kaj la internan agadplanon por protekti la laboristojn tra la tuta lando.

Oni raportis pri solidigo kaj integriĝo de la sistemoj de la radio kaj la televido kun naciaj kaj lokaj stacioj. Same estis elstarigitaj la kontribuoj de la ministerio de kulturo, la unuigo de artistoj kaj verkistoj, la asocio de junaj verkistoj kaj la unuigo de kubaj ĵurnalistoj cele al proponoj por klerigado kaj amuzigo de la familioj.

Oni raportis pri la kolekto de sonarkivoj kun valoraj kolektoj, kiuj konsistigis rektan fonton por riĝigi la programojn fronte al la streĉoj estigitaj de la Kovim-19.

Rilate la prioritatojn de 2021, oni elstarigis la elsendadon dum pli ol 629 mil horoj de radio kaj televido; starigi novan organizon de la centra administracio por prizorgi la informadon kaj socian komunikadon enlande; kaj starigi sistemon por kvalita mastrumo de ĉiuj procezoj en tiu institucio.

Aliaj taskoj estas fortigi la politikon por mastrumo de enhavoj kaj garantii la eldonan koheron, diversecon, partoprenon civitanan kaj multimedia; kaj fortigi la integriĝon de esplorado, evoluigo kaj novigo, plus la rilato kun la universitatoj.

Pluraj aliaj celoj estas starigitaj por solidigi la sistemojn de radio kaj televido enlande kiel kolonoj de la sistemo de publikaj amasmedioj de la insulo.

En la interŝanĝo kun gvidantoj, ĵurnalistoj, artistoj kaj aliaj agantoj de la radio kaj televido, kiu inkluzivis videokonferencon kun telecentroj tra la tuta lando, la ĉefministro transdonis rekonon de la landa registaro al la instituto de radio kaj televido, kiu “funkcias en malfacilaj temoj kun la komplekseco daŭre teni la civitanaron informita fronte al tiom malbonŝanca situacio”.

<https://www.radiohc.cu/eo/noticias/nacionales/248135-manuel-marrero-radio-kaj-televido-solidigas-kiel-publika-sistemo-de-amasmedioj>



Radio Habana Cuba